

Allannguutissatut siunnersuut

uunga

**Uunga siunnersuut: Kommunit aqunneqarnerat pillugu Inatsisartut inatsisaat nr. xx xx xx 2010-meersoq**

Nunamut Namminermut, Pinngortitamut Avatangiisinullu Naalakkersuisumit saqqummiussaq.

§ 60-mut

**1. § 60, imm. 1, normu. 1 ima oqaasertaqassaaq:**

” Nr. 1. Kalaallit Nunaanni Nunap eqqartuussisuunerata Nakkutilliisoqarfiup siulittaasuanik taassumalu ataatsimik arlalinnilluunniit tullissaanik toqqaassaaq, tamarmillu inatsisilerituutut soraarummeersimasuussapput.”

Allannguutissatut siunnersuummut oqaaseqaatit

**Oqaaseqaatit nalinginnaasut**

Nakkutilliisoqarfiup suliaqarnera annerpaamik kinaassusersiunnginnerpaajusumik isumannaarnissaa periarfissinniarlugu, Nakkutilliisoqarfiup siulittaasussaanik taassumalu ataatsimik arlalinnilluunniit siulittaasup tullissaanik toqqaaneq Namminersorlutik Oqartussat politikkikkut aaqqissugaanerani allaffissornikkulluunniit attaveqanngitsuutinniarlugu Naalakkersuisut kissaatigaat.

Nakkutilliisoqarfimmi inatsisilerinikkut nalinginnaasumik paasisimasat, kommuninilu inatsisitigut paasisimasat annertusineqassasut Naalakkersuisut nalilerpaattaaq.

**Allannguutissatut siunnersuummi aalajangersakkanut ataasiakkaanut oqaaseqaatit**

Normu 1-imut

Nunap eqqartuussisuunerata Nakkutilliisoqarfiup siulittaasussaanik taassumalu ataatsimik arlalinnilluunniit siulittaasup tullissaanik toqqaanissamat siunertaasoq tassa, siulittaasumik qinersineq Namminersorlutik Oqartussat allaffissornikkut politikkikkullu aaqqissugaaneranniit attaveqanngitsuutinniarlugu. Kommunini inatsisitigut paasisimasat Nakkutilliisoqarfimmi annertusiniarlugit siulittaasup taassumalu tullersortaasa toqqaasut inatsisilerituutut soraarummeersimasuussapput.

Pissutsit, tassa Kalaallit Nunaanni Nunap eqqartuussisuunerata Nakkutilliisoqarfiup siulittaasuanik taassumalu tullersortaasut toqqaagai tamarmik inatsisilerituutut soraarummeersimasuunissaasa, suliat Nakkutilliisoqarfimmi aalajangerneqarsimasut eqqartuussivinnut nalinginnaa sunut ingerlateqqinneqartarnissaat pinngitsoortikkunnangilaat.